

Maareynta macluumaadka shakhsiga

Macluumaad ku saabsan qofka kaqeybgalaha ama ardayga ku ah waxbarashada dadka waaweyn ee waxqabadyada ka midka ah AcadeMedia.

Waxa waxqabadyada AcadeMedia laga isticmaalaa adeegyada dhijitalka ah oo kala duduwan. Kuwani waxa loo adeegsadaa maamulka, maareynta safka, qiimeynta, qorsheynta koorsada iyo casharrada, iyo xataa sidoo kale wixii taageerida tooska ah ee shaqada waxbarashada ah. Sida qeybta ka ah taas ayaan soo ururinaa oo aanu kaydinnaa macluumaadka shakhsiga ee adiga kugu saabsan. Tusaalooyin ka mid ah xogta shakhsiga ahi waa sida magaca, lambarka shakhsiga iyo macluumaadka xiriirka. Waxaan sidoo kale nidaamkayaga ku diiwaangelinnaa noocyada kale ee macluumaadka shakhsiga, sida tusaale ahaan qorshayaasha waxbarashada, imaanshaha, qiimeynta iyo natiijada/darajada.

Waxay adiga iyo anagaba muhiim inoo ah inaanu macluumaadka shakhsiga u maareyno si sugan oo mas'uuliyad leh. AcadeMedia gudaheeda, waxaanu samaynay habraac ku saabsan sida aan u maareynayno macluumaadka shakhsiga iyo sida aan ula shaqeyneyno adeegyada dhigitaalka ah. Qoraalka soo socda wuxuu ku siinayaa macluumaad kooban oo ku saabsan xuquuqdaada iyo anaga shaqadayada. Macluumaad buuxa oo faahfaahsan oo ku saabsan sida aan u maareynayno macluumaadkaaga shakhsiga waxaad ka heli kartaa trygg.academedia.se.

Anaga masuuliyadayada iyo adiga xuquuqdaada

Anaga maareyntayada iyo keydintada xogta shakhsiga waxay u dhacaysaa sida waafaqsan waxa loo yaqaan, xeerka ilaalinta xogta, kaas oo sharci ahaan ka shaqeynaaya dhammaan dalalka EU-da laga soo bilaabo 25-ka Maayo 2018. Waxaan ula dhaqmeynaa macluumaadka shakhsiyeed ee waxqabadyada waxbarashadayada dadka waaweyn si aanu ugu awoodaan inay fuliyo waajibaadka raacitaanka sharciga. Xaaladaha qaarkood, waxaan ku weydiisaneynaa ogolaansho si aan u maareyno macluumaadkaaga shakhsiga, gaar ahaan taasi waxa la sameeyaa ka hor inta aan lagu baahin warbaahinta bulshada ama mararka qaarkood wixii suuqgeyn ah. Waxaad markasta la soo noqon kartaa ogolaanshahaaga. U tag markaa wakiilkaaga ilaalinta xogta, macluumaadka lagala xiriiro iyaga ayaa ku yaal dukumentigan hoostiisa.

Adiga xuquuqdaada ayaa dabcan aad muhiim noogu ah. Waxaad xaq u leedahay inaad dalbato diiwaanka macluumaadka shakhsiga ee aanu adiga kaa maareynay, fadlan la xiriir markaa wakiilkaaga ilaalinta xogta adigoo arji qoraal ah oo saxeexan wata. Waxaad sidoo kale diidi kartaa maareynta xogta shakhsi ahaaneed, iyadoo ay xaaladaha qaarkood ay dalbanayaan in macluumaadkaaga shakhsi ahaaneed la raro (qaadista xogta) iyo/ama codsato saxitaan, xaddidaad ama tirtirida xogtaada shakhsiga adiga oo kaashanaya wakiilkaaga ilaalinta xogta. Waxaanu had iyo jeer isku daynaa inaan ku caawino oo aanu kaaga jawaabno arimahaas, laakiin waxaad sidoo kale xaq u leedahay inaad wixii cabashooyin ah kala xiriirto Kormeeraha Xogta (Datainspektionen) haddii aad rumeysan tahay in macluumaadkaaga shakhsiga loo maareeyey si qaldan.

Inta lagu jiro waqtigaaga aad arday/ka qeyb qaate aad tahay annaga naga mid ah, waxa laga yaabaa inaan wax ka bedelno sida aan ugu maareyno macluumaadkaaga shakhsiga sidaas daraadeed ayay marwalba ugu jirtaa mid la cusbooneysiisay oo warbixintan ah oo laga heli karro trygg.academedia.se. Haddii uu yimaado isbedel weyn, ayaa shakhsi ahaan lagu soo sheegi doonaa.

Qofka mas'uulka ka ah macluumaadka shakhsiga ee waxbarashadaada iyo tababarkaagu waa shirkada kuu diyaarinaysa waxbarashada.

Haddii aadan hubin, waxaad la soo xiriirtaa cida kuu diyaarinaysa waxbarashada ama kala soo xidhiidh AcadeMedia emaylkooda info@academedia.se.

Waxaan ilaalineynaa arimahaaga gaarka kuu ah

Arimaha adiga kuu gaarka ayaa marwalba la ilaalin doonaa, isla mar ahaantaana waxaan daneynaynaa inaanu kuu diyaarino waxbarsho iyo waxqabad fiican. Qaar ka mid ah macluumaadka shakhsiga ee adiga kugu ayaanu sidaas daraadeed lala wadaagi doonaa kuwa u baahan in ay



ogaadaan macluumaadkaas si ay ugu gutaan shaqadooda ay ka qabtaan ururkayaga. Kuwaas waxa ku jiri kara macluumaadka ku saabsan xasaasiyada/alerjiyada ama go'aamada ku saabsan la qabsiga waxbarashada.

Dadka hawladeenada ee caadi ahaan arkaaya macluumaadkaaga shakhsiga, haddii ay noqoto in taas loo baahdo, waxay yihiin macalimiinta ay khuseyso, maamulaha, kuwa nidaamka lagu shaqeeyo isku sameeya, kuwa cuntada keena iyo waaxda IT, qeybta maaliyadda iyo maamulka dugsigga.

Waxaanu si joogto ah ugu sii wanaajinaa habkayaga waxqabadka iyo xeerarkayaga si aan ugu ilaalino nidaamkayaga in cidi si qaldan ugu soo gasho macluumaadkayaga, khasaare aan si kas ah loo sameyn ama burbur. Waxaan mar walba xogta shakhsiga ee xasaasiga ah u maareynaa sida waafaqsan sharciyada iyo xeerarka khuseeya, iyadoo la isticmaalaayo amaanka ugu sareeya.

Adeega cloud-ka

Waxaanu isticmaalno waxyaabo ay ka mid yihiin, adeegyada dhigitalka ee loo yaqaanno adeega cloud-ka (adeega daruuraha). Icticmaalka cloud-ku waxa uu na siiyaa fursado badan oo ay ka mid yihiin, tusaale ahaan

- fursado ka badan oo lagu wada shaqeynaayo
- in si ka fudud waxyaalaha waxbarashada loogu wadaago warbarashada dhexdeeda iyo dunida inteeda kaleba.
- in la helo adeegyada goobta iyo wakhtiga ay doontaba ha ahaatee

Adeegyada cloudka micnahiisu waa in macluumaadka lagu kaydiyo shirkadaha noo keenay adeega oo meel ka baxsan jooga iyadoo qofka isticmaalayaa uu ka helaayo internetka. Tusaale ka mid ah adeega cloud-ka ee aanu isticmaalno waxa ka mid ah Microsofts Office 365. Macluumaadku waxa wali iska leh waxqabadka AcadeMedias iyadoo aanu maamulno cida kaas heli karta. Si loo damaanad qaado in aan macluumaadka shakhsiga la sii fidin ayaanu heshiis la galney cid kasta oo wax noo keenta.

Maxaa dhacaaya marka la dhameeyo waxbarashada?

Haddii aad rabto inaad haysato walxahaaga waxbarashadaada ka dib, waxaad u baahan doontaa inaad adigu u wareejiso koonto khaas ah ama meel lagu keydiyo oo gaar ah. Ma keydineyno macluumaadkaaga shakhsiga mudo ka badan inta loo baahan yahay. Koontooyinkaaga isticmaalaha ayaa sida caadiga ah la xidhayaa markaad ka tagto waxbarashada iyadoo macluumaadka la tirtirayo ama aan la aqoonsanayn karin magaca cid leh wakhti taas ka dib. Tani waxay sidoo kale khuseysaa waxyaalaha lagu kaydiyo cida wax noo keenta (iyadoo ay ku jiraan adeegyada cloud-ku). Si kastaba ha ahaatee, waxaa jira macluumaad sida uu sharcigu dhigaayo ay tahay inaanu keydino muddo dheer, sida macluumaadka maamulka ee qaarkood, sida natiijooyinka/darajooyinka ama dukumeentiyada biilka. Kuwaas waxa la geynayaa qolka kaydka iyagoo la kaydinaayo waxbarashada markey dhamaato ka dib. Waxaad trygg.academeMedia.se ka helaysaa macluumaad faahfaahsan oo ku saabsan inta aanu keydinayno macluumaadkaaga shakhsiga.

Miyaad dooneysaa inaad wax dheeraad ah ogaato?

Haddii aad qabtid wax su'aalo ah oo ku saabsan maareynta macluumaadkaaga, fadlan la soo xiriir ugu horeyn cida kuu diyaarisay waxbarashadaada. Waxaad xataa xiriir la sameyn kartaa masuulkaaga ilaalada xogta. Emaylka masuulka ilaalada xogta waxaad ka helaysaa <https://trygg.academeMedia.se/kontakt/>.

Haddii aadan is laheyn si wanaagsan ayaa lagaaga jawaabin su'aalahaaga ayaa had iyo jeer AcadeMedia kala soo xiriiri kartaa emaylkooda info@academeMedia.se markaas ayaanu ku caawin karnaa.

Kor waxa ku xusan waa turjumaad laga soo qaatay qoraallada iswiidhishka ah oo taariikhdiisu tahay 1 Juun 2018.

